



VODIČ ZA POSJETE

PARLAMENTU FEDERACIJE

BOSNE I HERCEGOVINE



**Parlament Federacije Bosne i Hercegovine
Predstavnički dom Parlamenta Federacije BiH
Dom naroda Parlamenta Federacije BiH**

Za izdavača:

Ivan Miličević, sekretar Predstavničkog doma
Parlamenta Federacije BiH

Aida Hadžić – Salkić, v.d. sekretar Doma naroda
Parlamenta Federacije BiH

**Redakcijski odbor ispred Stručnih službi oba
doma Parlamenta Federacije BiH:**

Almedina Bulić

Biljana Andrić

Edita Martinović

Mirsad Talić

Ivan Buda

Alma Varaki

Izdavanje Parlamenta Federacije BiH u saradnji sa Misijom OSCE-a u BiH

Sarajevo, mart 2025. godine

SADRŽAJ

Predgovor	3
Zašto posjetiti Parlament Federacije	4
Historijski pregled	6
O Parlamentu Federacije Bosne i Hercegovine	7
Šema zakonodavnog postupka	15
Posjete Parlamentu Federacije Bosne i Hercegovine	16
Način, postupak prijavljivanja i tok posjete Parlamentu Federacije BiH	21
Institucije u blizini Parlamenta Federacije.....	22
Prilozi	23
Obrazac za posjete	24
Spisak posjetilaca.....	25
Evalucioni obrazac	26

PREDGOVOR

Ova publikacija, odnosno Vodič za posjete Parlamentu Federacije Bosne i Hercegovine (u daljem tekstu: Vodič) ima za cilj da sve građane i zainteresiranu javnost upozna sa radom Parlamenta Federacije Bosne i Hercegovine (u daljem tekstu: Parlament), te prikaže značaj ove najviše zakonodavne institucije u Federaciji Bosne i Hercegovine.

Njen cilj je doprinijeti boljem razumijevanju njegovog mjesta i uloge u javnom i društvenom životu svih naroda i građana Federacije BiH i države Bosne i Hercegovine, te procesa koji se u njemu odvijaju u svrhu jačanja pravne države i stvaranja formalno-pravnih pretpostavki za razvoj demokratije, te realiziranja proevropskih ambicija političara i građana ove zemlje.

Otvaranjem Parlamenta javnosti posebno putem organizovanih studijskih posjeta podiže se na najviši nivo transparentost rada ove krovne institucije u Federaciji Bosne i Hercegovine, a građani se upoznaju sa zakonodavnim procesom ali i drugim funkcijama koje Parlament obavlja, a koje su propisane Ustavom Federacije Bosne i Hercegovine.

Transparentnost u radu Parlamenta osigurava da građanimogu pratiti i razumjeti zakonodavni proces, što jača demokraciju i povjerenje u političke institucije. Studijske posjete kao vid transparentnosti u radu parlamenta predstavljaju organizirane posjete građana, studenata, nevladinih organizacija, stručnih skupina i drugih zainteresiranih grupa. Cilj ovih posjeta je pružiti direktan uvid u rad Parlamenta, educirati posjetioce o zakonodavnom procesu i povećati svijest o funkcioniranju demokratskih institucija. Studijske posjete su dakle važan alat za jačanje transparentnosti, edukaciju građana i povećanje njihove uključenosti u politički život, što u konačnici doprinosi jačanju demokratskih procesa i odgovornosti političkih institucija.

ZAŠTO POSJETITI PARLAMENT FEDERACIJE?

Posjeta Parlamentu Federacije BiH može biti vrlo korisna za različite grupe, pružajući edukativne, inspirativne i praktične koristi koje doprinose boljem razumijevanju i većem angažmanu u političkim procesima.

Navest ćemo samo neke od razloga po ciljnim grupama zašto posjeta zakonodavnoj instituciji može biti korisna:

Učenici osnovnih škola



- Obrazovanje o demokratiji: Osnovci mogu naučiti osnove o tome kako funkcionise demokratski sistem.
- Građansko vaspitanje: Posjeta može pomoći osnovcima da razumiju važnost građanskog angažmana.
- Inspiracija: Može inspirisati mlade da se više uključe u društvena pitanja i razmišljaju o svojoj budućoj ulozi u društvu.

Srednjoškolci



- Dublje razumijevanje politike: Srednjoškolci mogu dobiti detaljniji uvid u političke procese i zakonodavne procedure.
- Razvijanje kritičkog mišljenja: Diskusije o zakonima i političkim pitanjima mogu pomoći u razvoju kritičkog mišljenja.
- Motivacija za daljnje obrazovanje: Posjeta može motivisati učenike da razmotre studiranje političkih nauka, prava ili srodnih oblasti.

Studenti sa različitih fakulteta



- Praktično znanje: Studenti političkih nauka, prava, ekonomije i srodnih disciplina mogu steći praktično znanje o radu parlamenta.
- Umrežavanje: Moguća je prilika za upoznavanje sa zastupnicima i delegatima kao i drugim profesionalcima.
- Istraživačke mogućnosti: Studenti mogu dobiti ideje za svoje istraživačke projekte, diplomske radove ili magistarske teze.



Građani

- Građanski angažman: Posjeta može potaknuti građane da se više angažuju u političkim procesima.
- Transparentnost: Građani mogu vidjeti kako se donose odluke koje utiču na njihov svakodnevni život.
- Edukacija: Pomaže u boljem razumijevanju rada vlade i njihovih predstavnika.



Nevladine organizacije i organizacije građana

- Zagovaranje: Mogu bolje zagovarati interese svojih članova kroz razumijevanje zakonodavnih procesa.
- Umrežavanje: Prilika za povezivanje sa zastupnicima i delegatima kao i drugim organizacijama.
- Praćenje rada vlade Federacije BiH: Mogu efektivnije pratiti rad vlade i uticati na donošenje zakona i politika.



Ostali zainteresovani

- Profesionalni razvoj: Profesionalci iz različitih sektora mogu bolje razumjeti politički kontekst u kojem djeluju.
- Informisanje: Posjeta pruža mogućnost informisanja o aktuelnim političkim pitanjima.
- Angažman: Potiče širu zajednicu na aktivnije učešće u političkim i društvenim procesima.

HISTORIJSKI PREGLED

Dejtonskim sporazumom, odnosno Ustavom Bosne i Hercegovine uspostavljena su dva entiteta - Federacija Bosne i Hercegovine i Republika Srpska. Prilikom postizanja ovog sporazuma nije bilo moguće definisati položaj prijeratne općine Brčko pa je ovo pitanje u Dejtonu ostavljeno da bude riješeno putem Arbitražnog tribunala za spor oko međuentitetske linije u oblasti Brčko. Konačna arbitražna odluka za Brčko donesena je 05.03.1999. godine. Spomenutom odlukom Brčko Distrikt je stvoren kao jedinstvena jedinica lokalne samouprave pod direktnim suverenitetom Bosne i Hercegovine.

Federacija Bosne i Hercegovine je jedan od dva entiteta, a svoje obrise dobija 1994. godine potpisivanjem Vašingtonskog sporazuma koji je potpisan u martu 1994. godine u Vašingtonu i Beču.



Potpisivanje
Vašingtonskog sporazuma
1994. godine

Nakon potpisivanja Sporazuma u Sarajevu je održana konstituirajuća sjednica¹ Ustavotvorne skupštine² Federacije Bosne i Hercegovine. Na sjednici su učestvovali zastupnici s područja Federacije BiH izabrani u Skupštinu Republike Bosne i Hercegovine na izborima 1990. godine. Na toj sjednici je 30.03.1994. godine usvojen Ustav Federacije Bosne i Hercegovine koji je stupio na snagu toga dana u ponoć³.

Ustavotvorna skupština je prestala raditi u oktobru 1996. godine nakon što su, u skladu s Aneksom 3. Dejtonskog sporazuma, održani prvi poslijeratni izbori u našoj zemlji 13. i 14.09.1996. godine za **Parlament Federacije Bosne i Hercegovine.**

¹ Konstituirajuće sjednice Predstavničkog doma i Doma naroda Parlamenta Federacije održane su istog dana 06.11.1996. godine. Obje sjednice održane su u zgradi „DPO“ - Hamdije Kreševljakovića 3 gdje je i danas sjedište Parlamenta Federacije BiH.

² Ustavotvorna skupština donijela je i značajan broj federalnih zakona i to: Zakon o Vladi Federacije Bosne i Hercegovine, Zakon o unutrašnjim poslovima, Zakon o federalnim ministarstvima i drugim tijelima federalne uprave, Zakon o pomilovanjima, Zakon o federalnim jedinicama, Zakon o sudskoj policiji, Zakon o odbrani Federacije BiH, Zakon o Agenciji za privatizaciju, odnosno ukupno 63 zakona kao i brojne druge akte u procesu uspostave entiteta Federacije BiH.

³ Ustavu Federacije BiH prethodilo je donošenje Ustavnog zakona o izmjenama i dopunama Ustava Republike Bosne i Hercegovine („Službeni list RBiH“, broj 8/94), kojim je osigurana ustavna osnova za unutarnje preoblikovanje dijela Republike Bosne i Hercegovine.

O PARLAMENTU FEDERACIJE BOSNE I HERCEGOVINE

U skladu sa Ustavom Federacije BiH, Parlament Federacije Bosne i Hercegovine je najviši zakonodavni dvodomni organ u Federaciji, kojeg čini Predstavnički dom Parlamenta Federacije Bosne i Hercegovine sa 98 zastupnika i Dom naroda koji se sastoji od 80 delegata. Mandat zastupnika i delegata u Parlamentu Federacije BiH, prema Ustavu Federacije, traje četiri godine.

Nadležnosti Parlamenta Federacije

Pored ostalih nadležnosti utvrđenih Ustavom, Parlament Federacije ima nadležnost i za:

- a) izbor predsjednika i dva potpredsjednika Federacije, kako je utvrđeno u članu IV.B.1.2.;
- b) podnošenje zahtjeva, u skladu sa članom IV.B.1.3. (1) Ustavnom sudu da odluči treba li smijeniti predsjednika ili jednog od potpredsjednika Federacije;
- c) potvrđivanje imenovanja Vlade Federacije većinom glasova;
- d) donošenje zakona o vršenju funkcija federalne vlasti. Zakoni stupaju na snagu kako je u njima utvrđeno, ali ne ranije nego što budu objavljeni u Službenom glasilu Federacije;
- e) davanje ovlaštenja kantonima da zaključuju sporazume sa državama i međunarodnim organizacijama, uz saglasnost Parlamentarne skupštine Bosne i Hercegovine, osim za sporazuma one vrste za koje Parlamentarna skupština zakonom odluči da im nije potrebna takva saglasnost;
- f) odobravanje većinom glasova sporazuma sa državama i međunarodnim organizacijama, uz prethodnu saglasnost Parlamentarne skupštine Bosne i Hercegovine, osim sporazuma one vrste za koje Parlamentarna skupština Bosne i Hercegovine zakonom odluči da im nije potrebna takva saglasnost;
- g) donošenje Budžeta Federacije i Zakona o oporezivanju i osiguravanje potrebnog finansiranja na drugi način; i
- h) vršenje drugih nadležnosti koje su mu povjerene.

PREDSTAVNIČKI/ZASTUPNIČKI DOM PARLAMENTA FEDERACIJE BOSNE I HERCEGOVINE

Predstavnički dom Parlamenta Federacije Bosne i Hercegovine (u daljnjem tekstu: Predstavnički dom) se organizira i radi po Ustavu Federacije Bosne i Hercegovine (u daljnjem tekstu: Ustav), Zakonu i odredbama Poslovnika Predstavničkog doma (u daljnjem tekstu: Poslovnik). Ako neko pitanje organizacije i rada Predstavničkog doma nije uređeno Poslovnikom, uređuje se zaključkom Predstavničkog doma. Predstavnički **dom se sastoji od 98 zastupnika**, koji se biraju demokratskim putem na izravnim izborima, tajnim glasanjem, na teritoriji cijele Federacije Bosne i Hercegovine, u skladu sa Ustavom i Izbornim zakonom Bosne i Hercegovine. Mandat zastupnika u Predstavničkom domu je četiri godine, ukoliko Predstavnički dom ne bude raspušten u skladu sa Ustavom.

Rukovodstvo Predstavničkog doma čine predsjedavajući, dva potpredsjedavajuća i sekretar doma.

Predstavnički dom radi javno. Predstavnički dom osigurava javnost rada blagovremenim, potpunim i objektivnim informisanjem javnosti o svome radu. Predstavnički dom koristi web stranicu Predstavničkog doma da informiše javnost o svom radu.

U Predstavničkom domu formiraju se klubovi zastupnika političkih stranaka zastupljenih u Predstavničkom domu. Klubovi zastupnika formiraju se kao oblik djelovanja zastupnika u Predstavničkom domu, a posebno u pripremama i utvrđivanju prijedloga dnevnog reda sjednice Predstavničkog doma. Klub zastupnika čini najmanje tri zastupnika iz jedne ili iz nekoliko udruženih političkih stranaka, odnosno neovisnih zastupnika. Klub zastupnika ima predsjednika i zamjenika predsjednika kluba zastupnika, koji koordiniraju rad klubova i ostvaruju suradnju s drugim klubovima zastupnika.

Radna tijela Predstavničkog doma

Za razmatranje pitanja koja su u nadležnosti Predstavničkog doma, za razmatranje nacрта i prijedloga zakona i drugih općih akata Predstavničkog doma osnovana su stalna i povremena radna tijela. Radna tijela Predstavničkog doma daju mišljenja, podnose prijedloge i izvješćuju Predstavnički dom o pitanjima iz svog djelokruga koji se utvrđuje Poslovníkom.

Stalna radna tijela osnivaju se Poslovníkom ili odlukom Predstavničkog doma, a povremena radna tijela zaključkom Predstavničkog doma. Predstavnički dom odlukom bira predsjednika, zamjenika predsjednika i članove radnih tijela koji se biraju iz reda zastupnika u Predstavničkom domu.



Stručna služba Predstavničkog doma

Predstavnički dom ima Stručnu službu čija se organizacija i rad prema odredbama Poslovnika utvrđuju posebnom odlukom koju donosi Administrativna komisija Predstavničkog doma.

Organizacija i rad Stručne službe Predstavničkog doma i Zajedničke službe Parlamenta Federacije uređuje se posebnim aktom koji donosi Administrativna komisija Predstavničkog doma.

Stručnom službom rukovodi sekretar Doma. Stručna služba se sastoji od četiri unutrašnje osnovne jedinice:

- ☐ Kabinet predsjedavajućeg,
- ☐ Kabinet potpredsjedavajućih,
- ☐ Kabinet sekretara i
- ☐ Služba radnih tijela.

DOM NARODA PARLAMENTA FEDERACIJE BOSNE I HERCEGOVINE

Dom naroda organizira se i radi prema Ustavu Federacije Bosne i Hercegovine, zakonu i Poslovniku o radu Doma naroda. Dom naroda sastoji se od 80 delegata i to po 23 delegata iz reda svakog od konstitutivnih naroda i 11 delegata iz reda Ostalih.

Rukovodstvo Doma naroda čine predsjedavajući, dva potpredsjedavajuća i sekretar Doma.

Delegate Doma naroda biraju kantonalne skupštine iz reda svojih delegata proporcionalno nacionalnom sastavu stanovništva. Broj delegata za Dom naroda koji se biraju u svakom kantonu proporcionalan je broju stanovnika kantona, s tim što se broj, struktura i način izbora delegata utvrđuju Zakonom. U Domu naroda bit će najmanje jedan Bošnjak, jedan Hrvat i jedan Srbin iz svakog kantona koji imaju najmanje jednog takvog zastupnika u svom zakonodavnom tijelu. Delegate Bošnjake, Hrvate i Srbe iz svakog kantona biraju zastupnici iz reda tog konstitutivnog naroda u skladu sa izbornim rezultatima u zakonodavnom tijelu tog kantona, a izbor delegata iz reda Ostalih uredit će se Zakonom.

U Domu naroda postoje tri kluba delegata konstitutivnih naroda:

- ☐ **Klub delegata bošnjačkog naroda,**
- ☐ **Klub delegata hrvatskog naroda i**
- ☐ **Klub delegata srpskog naroda.**

Klubovi naroda formiraju se kao oblik djelovanja delegata u Domu naroda, posebno u pripremama sjednica Doma naroda, utvrđivanju prijedloga dnevnog reda sjednica i rješavanju sporova u postupku donošenja akata Parlamenta Federacije i Doma naroda.

Radna tijela Doma naroda

Za razmatranje pitanja iz nadležnosti Doma naroda, za razmatranje nacрта i prijedloga zakona i drugih općih akata i za pripremanje i obavljanje drugih poslova obrazuju se stalna i povremena radna tijela Doma naroda. Radna tijela daju mišljenja, podnose prijedloge i izvještavaju Dom naroda o pitanjima iz svog djelokruga, a odlučuju samo o pitanjima koja su im Poslovnikom ili Odlukom Doma naroda data u izravnu nadležnost. Stalna radna tijela formiraju se prema odredbama Poslovnika o radu Doma naroda. Posebnom odlukom Doma naroda mogu se formirati i povremena radna tijela za izvršavanje određenih poslova.


Radno tijelo ima predsjednika i zamjenika predsjednika. U radno tijelo Doma naroda biraju se članovi iz reda delegata u Domu naroda. Predsjednik i zamjenik predsjednika radnog tijela biraju se iz sastava članova radnog tijela s tim da ne mogu biti iz istog konstitutivnog naroda.



Stručna služba Doma naroda

Stručna služba je osnovana Odlukom o Stručnoj službi Doma naroda Parlamenta Federacije Bosne i Hercegovine i obavlja stručne, administrativno - tehničke i druge poslove koji se odnose na rad radnih tijela i Doma naroda na osnovu zakona, Poslovnika o radu Doma naroda i Pravilnika o unutrašnjem uređenju Stručne službe Doma naroda Parlamenta Federacije Bosne i Hercegovine sa sistematizacijom radnih mjesta. Stručnom službom rukovodi sekretar Doma naroda. Stručna služba se sastoji od tri unutrašnje osnovne jedinice:

- ☐ Kabinet predsjedavajućeg i potpredsjedavajućeg Doma naroda,
- ☐ Kabinet sekretara,
- ☐ Služba radnih tijela Doma naroda.



ZAJEDNIČKA SLUŽBA PARLAMENTA FEDERACIJE BIH

Predstavnički dom je zajedno s Domom naroda formirao Zajedničku službu Parlamenta Federacije BiH, koja obavlja poslove prijema i otpreme pošte, daktilografske poslove, poslove umnožavanja materijala, informacijsko - dokumentacijske poslove, računovodstvene poslove i poslove za zastupnike, službenike i namještenike iz oblasti radnih odnosa.

Radom Zajedničke službe upravlja načelnik Zajedničke službe (u daljnjem tekstu: načelnik).

Načelnik organizira i usklađuje rad Zajedničke službe na obavljanju poslova i zadataka za potrebe Parlamenta Federacije iz djelokruga Zajedničke službe i odgovoran je sekretarima Doma naroda i Predstavničkog doma Parlamenta Federacije za stručni, djelotvorni i pravovremeni rad Zajedničke službe.


Naredbodavci za materijalno - finansijsko poslovanje Zajedničke službe su sekretari Doma naroda i Predstavničkog doma Parlamenta Federacije.

Sve akte iz nadležnosti Zajedničke službe potpisuju sekretari domova.

Sekretari mogu ovlastiti načelnika Zajedničke službe i druge državne službenike u Zajedničkoj službi da potpisuju pojedine akte o čemu se donosi posebno rješenje.

ZAKONODAVNI PROCES U PARLAMENTU FEDERACIJE


ZAKONODAVNI POSTUPAK U PREDSTAVNIČKOM DOMU



ODNOS IZMEĐU DOMOVA



ZAKONODAVNI POSTUPAK U DOMU NARODA



POSJETE PARLAMENTU FEDERACIJE BOSNE I HERCEGOVINE

„Dani otvorenih vrata” u Parlamentu Federacije Bosne i Hercegovine zvanično su počeli 27.10.2011. godine sa otvaranjem Centra za posjetioce u Parlamentu Federacije Bosne i Hercegovine uz podršku i saradnju USAID-ovog projekta „Jačanja parlamenata u Bosni i Hercegovini” (USAID PSP U BIH).



Svrha Centra za posjetioce prvenstveno je da bude mjesto u kojem će građani moći saznati više o radu Parlamenta Federacije Bosne i Hercegovine i razgovarati sa zastupnicima/zastupnicama i delegatima/delegatkinjama.

Nakon otvaranja Centra za posjetioce javlja se velika zainteresovanost građana, studenata, srednjoškolaca, nevladinih organizacija i drugih zainteresiranih za posjetu Parlamentu Federacije Bosne i Hercegovine.

U Centru za posjetioce, koji je lociran na mezaninu Parlamenta Federacije, nalazi se dio biblioteke Parlamenta Federacije sa određenim publikacijama kao i računarska oprema koja je na raspolaganju novinarima i drugim zainteresovanim koji žele da prate sjednice domova Parlamenta.



Završetkom USAID-ovog projekta „Jačanja parlamenata u Bosni i Hercegovini” (USAID PSP U BIH) Parlament Federacije Bosne i Hercegovine nastavlja sa „Danima otvorenih vrata” uz podršku Misije OSCE-a u Bosni i Hercegovini.



„Dani otvorenih vrata” odnosno posjete Parlamentu Federacije Bosne i Hercegovine pokazali su se kao dobar primjer pozitivne prakse i otvorenosti Parlamenta Federacije Bosne i Hercegovine za javnost, vođenje interaktivnog razgovora, te postavljanja pitanja direktno zastupnicima/zastupnicama i delegatima/delegatkinjama kao i dobijanja odgovora od istih u okviru posjete. Tokom posjete ostvaruje se direktan razgovor sa zastupnicima/zastupnicama i delegatima/delegatkinjama.



Prilikom posjeta građani se, između ostalog, upoznaju s organizacijom rada i najvažnijim funkcijama Parlamenta Federacije BiH, zakonodavnim procesom, načinom donošenja odluka na sjednicama Doma, sistemom glasanja, rasporedom sjedenja u sali kao i predstavnicima stručnih službi Parlamenta Federacije BiH.

Na taj način zakonodavni proces, ali i druge osnovne informacije o Parlamentu Federacije BiH, približavaju se najširem krugu građana, a snažno se promoviraju konsenzusom ustanovljeni i usvojeni ciljevi koji proističu iz težnje za priključenjem BiH evropskim i euroatlantskim integracijama.

U cilju poboljšanja transparentnosti i odgovornosti Parlamenta Federacije, Ustavom Federacije BiH definisano je i učešće građana i mladih u radu Parlamenta Federacije BiH, uključujući i pravo građana Federacije BiH da iniciraju donošenje zakonâ u određenim oblastima kao i uvjete za ostvarivanje takvog prava.



Cilj posjete Parlamentu Federacije Bosne i Hercegovine jeste da se posjetioci iz različitih grupacija upoznaju sa zakonodavnim procedurama, strukturom i načinom funkcionisanja Parlamenta Federacije Bosne i Hercegovine, te u konačnici da ih se motiviše da aktivno učestvuju u izbornim procesima.



„Dani otvorenih vrata“ u Parlamentu Federacije Bosne i Hercegovine predstavljaju pozitivan primjer dobre prakse i otvorenosti Parlamenta Federacije prema javnosti.

Na ovaj način Parlament Federacije Bosne i Hercegovine nudi model proaktivne transparentnosti i saradnje Parlamenta Federacije Bosne i Hercegovine sa grupacijama civilnog društva u skladu sa SIGMA principima, preporukama iz EU izvještaja o napretku, te unaprijeđenju procesa reforme javne uprave.

Parlament Federacije BiH otvoren je za sve zainteresirane građane, ali primarna ciljna grupa „Dana otvorenih vrata“ su mladi ljudi. Kako nastavni programi ne stvaraju uvijek prostor za ovakve posjete institucijama, „Dani otvorenih vrata“ predstavljaju vrlo koristan način da se mladi ljudi upoznaju s demokratskim procesima i da se na ovaj način ukloni jaz između pojedinaca i institucija.



Proaktivna transparentnost ima ključnu važnost za demokratsko društvo, građanski angažman i odgovorno vođenje javnih poslova. Proaktivna transparentnost omogućava građanima uvid u procese donošenja odluka i aktivnosti vlasti. Također, proaktivna transparentnost podržava aktivno sudjelovanje civilnog društva pri čemu organizacije i građanske inicijative imaju priliku analizirati dostupne informacije, pružati konstruktivnu kritiku i aktivno doprinositi debati o javnim pitanjima. Stoga, proaktivna transparentnost nije samo poželjna nego i nužna komponenta demokratskog upravljanja.

NAČIN, POSTUPAK PRIJAVLJIVANJA I TOK POSJETE PARLAMENTU FEDERACIJE BiH

Posjete Parlamentu organizuju se radnim danima u periodu od 10 do 14 sati, najmanje jednom u tri mjeseca u zavisnosti od pristiglih zahtjeva za realizaciju posjete.

Kako biste se prijavili za posjetu Parlamentu Federacije potrebno je da popunite prijavni obrazac koji se nalazi u prilogu ove publikacije, a koji se može preuzeti sa web stranice oba doma Parlamenta Federacije BiH.

Tom prilikom prijavni obrazac treba proslijediti na e-mail adresu navednu na web stranici Parlamenta Federacije BiH.

Odluku o realizaciji posjete donose sekretari domova Parlamenta Federacije BiH.

Tok posjete:

Posjete se organizuju na sljedeći način:

Učesnike posjete u auli Parlamenta Federacije dočekuju službenici koji će ih provesti do amfiteatra u kom se održavaju sjednice domova Parlamenta. U tom dijelu posjete učesnici će biti u prilici da pogledaju stalnu izložbu koja je postavljena prilikom obilježavanja 20. godina Parlamenta Federacije.

Na početku posjete uvodne napomene o Parlamentu i zakonodavnom postupku će predstaviti određeni službenik iz službi Parlamenta, nakon čega se učesnicima obraćaju parlamentarci. Nakon predstavljanja parlamentaraca slijedi diskusija u kojoj se učesnici potiču da aktivno postavljaju pitanja.

Na kraju posjete učesnici će popuniti evalucioni obrazac koji nam je potreban kako bi unaprijedili buduće posjete. Evalucioni obrazac je sastavni dio ove publikacije.

Učesnici tokom posjete trebaju se pridržavati etičkog kodeksa ponašanja i oblačenja tokom boravka u instituciji.

INSTITUCIJE U BLIZINI PARLAMENTA FEDERACIJE

Parlament Federacije Bosne i Hercegovine nalazi se u samom centru Sarajeva u ulici Hamdije Kreševljakovića broj 3. U neposrednoj blizini Parlamenta Federacije nalaze se mnoge institucije, od kojih izdvajamo samo neke:

1. Parlamentarna skupština Bosne i Hercegovine, Trg BiH 1
<https://www.parlament.ba/>
2. Vijeće ministara Bosne i Hercegovine, Trg BiH 1
<https://www.vijeceministara.gov.ba/>
3. Predsjedništvo Bosne i Hercegovine, Maršala Tita 16
<https://www.predsjednistvobih.ba/>
4. Ustavni sud Bosne i Hercegovine, Reisa Dž. Čauševića 6
<https://www.ustavnisud.ba/>
5. Centralna banka Bosne i Hercegovine, Maršala Tita 25
<https://www.cbbh.ba/>
6. Ustavni sud Federacije Bosne i Hercegovine, Valtera Perića 15
<https://www.ustavnisudfbih.ba/>
7. Federalno ministarstvo kulture i sporta, Obala Maka Dizdara 2
<https://fmks.gov.ba/>
8. Federalno ministarstvo finansija, Mehmeda Spahe 5
<https://www.fmf.gov.ba/>
9. Federalno ministarstvo unutrašnjih poslova, Mehmeda Spahe 7
<http://www.fmup.gov.ba>
10. Delegacija Evropske unije u Bosni i Hercegovini i Ured specijalnog predstavnika Evropske unije u Bosni i Hercegovini, Skenderija 3a
https://www.eeas.europa.eu/delegations/bosnia-and-herzegovina_bs
11. Direkcija za evropske integracije, Đoke Mazalića 5
<https://www.dei.gov.ba/>
12. Misija OSCE u Bosni i Hercegovini, Fra Anđela Zvizdovića 1
<http://www.osce.org/mission-to-bosnia-and-herzegovina>

PRILOZI

- 1. Obrazac za najavu posjete Parlamentu Federacije Bosne i Hercegovine**
- 2. Spisak posjetilaca**
- 3. Evalucionni obrazac**



**OBRAZAC ZA NAJAVU POSJETE PARLAMENTU FEDERACIJE
BOSNE I HERCEGOVINE**

Naziv organizacije/institucije:			
Adresa:			
Odgovorna osoba:			
Kontakt:	Tel/email:		
Željeni termin posjete:	Datum:		Vrijeme:
Alternativni termin posjete:	Datum:		Vrijeme:
Oblasti za koje smo posebno zainteresirani:	☐ sve		
	☐ zakonodavstvo		
	☐ rad domova		
	☐ rad povjerenstava i klubova		
	☐ rad zastupnika i delegata		
	☐ euroatlantske integracije		
	☐ transparentnost rada		
	☐ ostalo		

NAPOMENE:

- ☐ Parlament Federacije Bosne i Hercegovine i institucija zainteresirana za posjetu mogu dogovoriti i drugi termin posjete
- ☐ Poželjan krajnji rok za dostavu ovog zahtjeva je najkasnije petnaest (15) dana prije željenog termina posjete, a spisak posjetitelja najkasnije 48 sati prije utvrđenog termina posjete

Adresa: Hamdije Kreševljakovića 3, 71000 Sarajevo, Tel: 033/210-190
e-mail: _____

<https://parlamentfbih.gov.ba/>

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
DOM NARODA



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ/ЗАСТУПНИЧКИ ДОМ
ДОМ НАРОДА

**SPISAK POSJETILACA PARLAMENTU FEDERACIJE
BOSNE I HERCEGOVINE**

Naziv organizacije/institucije:	
Datum posjete:	

Br.	Ime i prezime:	Napomena:
1.		
2.		
3.		
4.		
5.		
6.		
7.		
8.		
9.		
10.		
11.		
12.		
13.		
14.		
15.		
16.		

Adresa: Hamdije Kreševljakovića 3, 71000 Sarajevo, Tel: 033/210-190

e-mail: _____

<https://parlamentfbih.gov.ba/>



EVALUCIONI OBRAZAC NAKON POSJETE PARLAMENTU FEDERACIJE BOSNE I HERCEGOVINE

Osnovne informacije

1. Ime i prezime (opcionalno): _____
2. Datum posjete: _____
3. Grupa (npr. učenici, studenti, nevladine organizacije, građani): _____

Ocjenjivanje (na skali od 1 do 5, gdje 1 znači „nezadovoljan” a 5 „vrlo zadovoljan”)

1. Kako ocjenjujete organizaciju posjete? 1 2 3 4 5
2. Kako ocjenjujete sadržaj uvodnog dijela prezentacije o radu Parlamenta? 1 2 3 4 5
3. Kako ocjenjujete interakciju sa parlamentarcima? 1 2 3 4 5
4. Kako ocjenjujete stalnu izložbu o radu Parlamenta? 1 2 3 4 5
5. Kako ocjenjujete korisnost posjete u razumijevanju zakonodavnog procesa? 1 2 3 4 5
6. Kako ocjenjujete vrijeme trajanja posjete? 1 2 3 4 5
7. Kako ocjenjujete profesionalnost i ljubaznost osoblja? 1 2 3 4 5

Otvorena pitanja

8. Koji vam je dio posjete bio najzanimljiviji i zašto?

9. Imate li prijedloge za poboljšanje posjeta Parlamentu?

10. Da li ste zadovoljni informacijama koje ste dobili o radu Parlamenta? Ako niste, navedite šta biste željeli saznati više.

11. Imate li dodatne komentare ili sugestije?

Demografski podaci (opcionalno)

12. Godine:

- ☐ 15-25
- ☐ 26-35
- ☐ 36-45
- ☐ 46-55
- ☐ 56 i više

13. Pol:

- ☐ Muški
- ☐ Ženski
- ☐ Drugo

14. Da li ste ranije posjećivali Parlament Federacije BiH?

- ☐ Da
- ☐ Ne

Hvala vam na učestvovanju u evaluaciji!

Vaši odgovori će nam pomoći da unaprijedimo buduće posjete.

Hamdije Kreševljakovića 3, 71000 Sarajevo,
Tel: 033/210-190
<https://parlamentfbih.gov.ba/>

